

嘉禾志卷第七

學校

廟以崇先聖學以明人倫郡邑廟學大備於唐中廢於五代宋慶厯中始議州縣皆立學崇甯閒著爲令此州縣學廢興之由也唐元和閒衡州李寬於石鼓創書院南唐昇元中白鹿洞建學館宋太祖朝潭守朱洞首於嶽麓創書院眞宗朝又於應天府創書院號天下四書院此書院創置之由也是邦俗素尙儒斯文至今不墜而州縣學書院咸備焉

嘉興路

禾志七

一

路學舊在望雲門內之西偏宋建炎中因更兵火移於州治之東偏卽故賓館以爲之規模湫隘紹興壬戌二月丁亥詔諸路守臣興學如故事知州方滋於通越門內二百步立學襄陽張嶠爲之記嘉定十三年守臣鄭定復以興學爲先務殿宇堂廡廩廡垣墉營創繕修華煥皆逾於昔又闢地於西築六齋其上寶祐丁巳守臣恕齋謝瑩闢大門於廟西偏疏鑿鬻池增建泮橋勅明德堂於西改觀頤堂於東咸淳丙寅守臣星渚趙景緯重建小學於廟之東生徒額三十日課四書月試舉子業長陞太學懼無以養或置

或撥得米一百九十餘石馱學職專掌之丙子兵火
廟學幸僅存聖朝至元丙戌四明陳紹在分教是邦
里人徐碩副之相與謀曰學久廢盍撤而新之於是
有請於郡郡侯嘉其志聞於省許以學廩葺其廢陳
紹在徐碩又擢浮費捐薄俸以佐之學有御書閣將
壓而復整今改名尊經閣之上以貯經籍閣之下則
奉安先聖燕居像兩旁則祠十先生焉濂溪 康節
涑水 明道
伊川 橫渠 晦庵 學前有一井創亭其上因以
南軒 上蔡 東萊

育德名蓋取蒙泉育德之義歲久亭幾廢而井亦堙
矣悉從而修浚之垣墉塗墍爲之一新舊有八齋曰

禾志七

二

上達立道思誠體仁教睦連茹輔德朋來教睦本以
教宗屬也已改爲正誼矣連茹乃學優而仕之事非
學者所宜先因倣紫陽先生改同安邑庠彙征齋之
舉改連茹爲養心蓋亦以紫陽先生諭職事諸生養
心之說爲據月有書季有攷朔望三八有講講堂名
正禮舊矣蓋取荀子師者所以正禮之義

宣公書院在今錄事司之東宣公唐相陸贄也嘉興
人論諫數百一本仁義城南鴛鴦湖之上舊有三賢
堂三賢公居其一也宋郡侯黃大卿始爲立祠趙公
與憲嘗撥田土欲建書堂而未遂景定壬戌郡侯謝

奕燾始構堂繼廩焉落成郡侯率諸生祭菜於宣公
曰吾聞聖賢之道率五百歲而後行由唐至於今亦
五百餘歲矣始克立堂以祠公豈非時乎時至矣道
其行矣夫聖朝至元丙子邦人士以堂燬白於郡遂
以太初堂爲書院里人徐碩職教於此畢力經營而
兩廡從祀十哲像貌悉皆完美堂曰仁義之堂紫微
史大參爲之書宣公書院之扁亦紫微筆也齋四曰
時習敏求思齊景行皆存舊名至元甲申以小學爲
闕典請於郡增置一齋曰蒙正以教鄉人少俊者

松江府

禾志七

三

府學在府治東南二百步宋天禧間有夫子廟而已
湫隘卑陋旁不可爲齋館後六十有五年陳侯謚始
欲興學邑人衛公佐公望獻縣之東南地且自度殿
材爲買國子監書以資諸生如是數年至今劉鵬始
克就緒紹興以來楊壽亨周楹侍其銓相繼修葺之
而學舍始整好學廩視他處爲厚講堂舊名進德令
楊潛改明倫齋五日居仁由義隆禮育才養性端平
丙申縣令楊瑾以學廟卑隘更地舊址之南鼎而新
之廟堂廊廡齋舍庖廡一一具備堂改明善齋併爲
四曰體仁集義志道進德施退翁又改創齋廬作東

西序中置詠仁亭今亭不存矣後有觀頤堂舊屬縣學今以陞府因爲府學焉
燕居書院在今府學教授廳之左卽舊縣學基而爲之今仍舊

嘉興縣

縣學在縣西南三里按舊經縣有夫子廟在縣西北二百步後廢附於州學縣學址更爲郡社壇宋咸淳五年八月縣令張材以縣無學爲闕典有請於郡侯本心文先生以西城舊驛舍爲縣學郡侯出帑佐費大尹高墅潛先生聞之喜又撥緡爲助殿宇齋序門廡庖舍悉整備令又捐圭租畝百漕郡且相繼撥田爲繼粟地邑民士復爭以田租來助而學始成矣堂名明倫堂齋二曰省身尚志今仍舊

海鹽縣

縣學在縣東南百步按舊志文宣王廟舊在縣東二百步宋大平興國中主簿攝縣事石知一建景德二年縣令翁緯以舊廟逼農田移就縣南重建嘉祐八年縣令褚瑄以宣聖舊廟久弗葺願易其地增置學校遂立學於縣東南瑄自撰記言之詳矣紹興十五年朝廷興太學州縣學復修舉縣令徐光實一新之

堂曰務本齋四曰處仁好義復禮近智乾道二年縣令劉銓遷學於縣之南是歲疫歎僅立宣聖廟及講堂明年縣令魏汝功始蓋廊廡庖湏周備易講堂曰傳道李大卞繼之繪七十二賢於東西壁增學糧試補諸生淳熙十五年邑丞李直養哀眾力一新廊廡紹熙元年李自丞遷令以月得餐錢修大成殿及重裝宣聖十哲像立小學置書籍祭服復舊堂名爲務本四齋皆用舊名復扁其堂曰明倫年久寢壞聖朝至元乙酉令命學椽鳩傭慮材凝土度木自采芹橋至殿閣廊序悉葺而新之今垣墉塗墍亦苟完矣

禾志七

五

崇德縣

縣學在縣東南一里半宋元豐八年令吳伯舉始創縣學爲諸邑先沈括存中爲之記米芾元章爲之書學在縣南運河之西岸燬於方臘令黃揚移建縣之東南隅規模粗立而未備其後令之賢者相繼增廣堂曰成德亭曰采芹齋二曰致通育德堂東西序列四先生像直院吳舍人 徽學沈給事 忠定趙福王 鄉先生輔朝奉 東北游息之地有亭曰魁星令奚士達建歲久摧圯尚書陳堽捐緡錢重勅令黃元直撥田衍學廩而士有養矣今仍舊

傳貽書院在縣學之西二十步宋潛庵輔先生廣紫陽門人也自祠官歸隱語溪題讀書堂曰傳貽咸淳五年縣令家之柄建就扁今名堂一曰本文齋二曰書味師傳朱文公亦祠焉

科舉

嘉興素號多士冠廷對者有人應制舉者有人登甲科者亦有人以科舉得人視他郡爲最三歲大比則羣試於貢院貢院在今北門眾安橋之西宋宣和五年罷三舍法每科舉取八名南渡後有流寓七十五名解一名紹興丙子皆歸土著則解十名矣端平元

禾志七

六

年守臣趙與簏以是邦爲孝宗虹流之地援紹興例有請於朝增解額爲十三名著爲定制理宗篤昭祖烈復覃恩霈諸及紀者永免聯請者不以年第進士者陞一甲特奏名亦陞等咸淳三禩郡侯陳肖孫爲之記學舊有貢士莊經始於無情趙端明迄成於菊坡趙都運而退庵吳大參又撥沒官田爲之助凡貢士之上春官者分送各有差所以佐桂玉之費也今科舉之法廢而貢院亦壞矣貢士莊僅存

廨舍

嘉興路

總管府衙在子城內舊府治也譙樓外有舊宣詔班
春二亭東西嚮

鎮守萬戶府衙在郡治東二十步舊府判東廳也

經歷司在郡治廳西偏

司獄司在郡治南五十步舊司理院也

錄事司在郡治西北二百步舊監倉東廳也

管軍鎮撫所在郡治西南二十步舊節推廳也

松江府

府衙在普照寺東舊華亭縣衙也有宣詔班春二亭

東西嚮

禾志七

七

鎮守萬戶府衙在府治東舊思齊堂也

浙西鹽提舉司在府治西南一里半舊買納鹽場也

嘉興縣

縣衙舊縣治也在郡治東北二百步

華亭縣

縣衙在松江府西七十步舊簿廳也

海鹽縣

縣衙在縣城隍廟北三十步有舊宣詔班春二亭東

西嚮

崇德縣

縣衙在天清宮東北五十步舊縣治也有舊宣詔班

春二亭東西嚮

院務局附

嘉興路

安養院

廣惠院

都稅務

都酒務

織染局

造作局

漆作局

松江府

在城酒務

在城稅務

安養院

大盈務

南橋務

北橋務

禾志七

八

青龍務

蟠龍務

亭林務

上海務

嘉興縣

風涇白牛務

魏塘務

新城務

陶莊務

海鹽縣

在城務

澉浦務

當湖務

廣陳務

乍浦務

崇德縣

在城務

石門青鎮務

沙渚務

倉庫

錄事司

嘉興倉

外三倉

平准庫

軍資庫

松江府

在城際留倉

上海太平倉

永豐庫

海鹽縣

際留倉

崇德縣

縣倉

徼巡

禾志七

九

嘉興縣巡檢司七處

新坊

陶莊

魏塘

風涇

白牛

新城

王江涇

華亭縣巡檢司七處

金山

戚滯

杜浦

澱山湖

青龍

上海

鄒城

海鹽縣巡檢司三處

故邑

蘆瀝

澉浦

崇德縣巡檢司三處

阜林

石門

安邱

官驛

馬驛

計馬九十匹馬戶八百三十戶

嘉禾驛馬五十匹馬戶四百四十八戶

錄事司馬二匹馬戶一十九戶

松江府馬三十二匹馬戶二百八十戶

嘉興縣馬一十六匹馬戶一百四十九戶

崇德縣馬四十匹馬戶三百八十二戶

嘉興縣馬四匹馬戶四十戶

海鹽縣馬二十四匹馬戶二百二十八戶

禾志七

十

崇德縣馬一十二匹馬戶一百一十四戶

水驛

船八十隻船戶七百六十戶

西水驛船三十隻船戶三百戶

松江府驛船一十隻船戶八十戶

風涇驛船五隻船戶四十戶

上海驛船五隻船戶四十戶

阜林驛船三十隻船戶三百戶